

Program kesedaran gay tak bantu Malaysia, tegas Muhyiddin
The Malaysian Insider
10 November , 2011
Oleh Lisa J. Ariffin

PUTRAJAYA, 10 Nov — Dengan merujuk kepada tindakan polis mengharamkan Seksualiti Merdeka minggu lalu, Tan Sri Muhyiddin Yassin berkata, program-program kesedaran gay hanya akan memberi kesan negatif ke atas masyarakat dan negara secara keseluruhan.

Police mengharamkan program itu berkuat kuasa Khamis lalu.

"Program kesedaran gay atau yang terbaru, Seksualiti Merdeka bertentangan dengan (nilai) agama dan negara kita," kata Muhyiddin (gambar) ketika berucap pada Konvensyen Malaysian Society di sini hari ini.

"Pada pandangan saya, program-program ini tidak membawa manfaat kepada masyarakat dan negara khususnya dalam usaha membina personaliti dan generasi masa depan yang baik, yang ada integriti dan nilai moral yang tinggi," katanya.

Muhyiddin yang juga Menteri Pelajaran berkata aktiviti sedemikian hanya akan membawa impak negatif ke atas golongan belia dan perlu dielakkan.

The Malaysian Insider
Hakcipta © 2011 The Malaysian Insider
Source: <http://www.themalaysianinsider.com/bahasa/article/program-kesedaran-gay-tak-bantu-malaysia-tegas-muhyiddin/>